



# Whakaohoohongia tō pitomata

Māui Auaha -  
Whakamahere i taku ao  
ahumoni mō āpōpō

Te whai hua - kia ora!

**sorted**  
*inSchools*

Ingoa:

# Ihirangi



## 3 He Kupu Whakataki

## 4 Whakaohoohongia tō pitomata

## 7 Kaupapa 1


Tōku tūrangawaewae, papakāinga me ētahi atu momo tuohunga


## 13 Kaupapa 2

Ngā manako, ngā matea me ngā wawata

## 15 Kaupapa 3

Kia auaha te whakamahi rauemi





# He kupu whakataki

Ko te aronga o tēnei puka ako he āwhina i a koe ki te whakaaroaro, ki te whakamahere hoki i tō ao ahumoni mō āpōpō. Ka akiakitia koe ki te:

- Pātaitai i ētahi o tō whānau, o ū hapori hoki hoki kia mōhio i pēhea tā rātou whai whare
- Ārohi i ngā kōwhiringa hoko whare iti te utu kia toitū te noho, tae atu ki ngā papakāinga
- Wawatahia te ao o āpōpō mōu tae atu ki ngā whāinga ahumoni
- Tūhura i ngā whakaaro me ngā kōwhiringa whiwhinga moni.

E 3 ngā kaupapa matua hei aronga māu:

1. Tōku tūrangawaewae, papakāinga me ētahi atu momo tuohunga
2. Ngā manako, ngā matea me ngā wawata
3. Kia auaha te whakamahi rauemi

Kotahi anō hoki te:

- Tautohua ngā matea me ngā hiahia
- Tūhurangia ngā whakaaro me ngā kōwhiringa whai moni
- Waihangahia tētahi mahere pūtea waiwai (mōu, mō te whānau, mō te kāhui hoa e rite nei ngā whāinga)
- Whaikoha ki ētahi atu. Te tautoko atu i ngā kaupapa ā-whānau, me ngā haepapa ki te whānau. Hei tauira: te marae, te whare karakia, he rā whānau, he koha.
- He aha ngā tukunga iho o āu kōwhiringa ahumoni? He aha tā Māui kaupare i ngā wero i mua i a ia?



# Whakaohoohongia tō pitomata

## Te Whakamahere i taku ao ahumoni mō āpōpō

I te whakapūhoitanga o Māui i te rā, ka riro mai ngā painga ki a tāua te tangata arā kia pai ake te āhua o te noho, kia tōnui ake te mahi, ā, kia noho ngākau pai. Pēnā i a Māui, kei a koe hoki te tikanga ina ka eke ki ngā taumata i a koe e ora ana, kia toitū, kia haumako tō whānau. Ko tētahi o ngā hua nui o tā Māui whakapūhoi i te haere o te Rā, ko tana āhei ki te āta whakarite. I mōhio a ia, kia tutuki tēnei mahi nui me whakarite:

- i ana rautaki - ka mārehe tana wānanga i ia wāhanga o te rautaki
- i te momo mātauranga, pūkenga, hangarau hoki hei whakatutuki i ia mahi, pēnā i ngā momo taura hei hopu i te rā, ngā momo karakia e ū ai ōna whakaorangi, ōna hiahia, tae atu ki te whai wāhi o ōna tuākana ki ēnei mātauranga e haumaru ai rātou katoa.



E hanga rite ana ēnei pūmanawa o Māui ki te whakamahere i tō ao ahumoni mō āpōpō. Kōkiri kau ana tō mahere, ka tōmua ake te takahi i te ara kia noho herekore te ao ahumoni. Pohewatia he wā ka taea e koe te whakatau i ngā take ahumoni ehara i te mea ko te utu tō māharahara nui. Ka māia rānei koe ki te koha ki tētahi hunga e noho matea ana, me te mōhio he āheitanga āu ki te pēnā? Ka taea rānei e koe te koha i tētahi pūtea nui ki tētahi hunga e tino hiahia ana, me te mōhio he pūtea tāu ka taea te pēnā.

Toa atu, toa mai a Māui, pēnā i te whakapūhoitanga i te rā, ka puta hoki i āna mahi ētahi āhuatanga nā reira e noho herekore ai te tangata. Ka kitea i konei ko rironganui ki te tangata, ko te wā. Nāna hoki i whakawātea i te tangata me ūna herenga ki ngā atua kia tūhāhā tana tū. I ia mātātoa āna, ka whāia ngā ara rerekē noa kia riro i a ia ēnei hua. E whakaahua mai ana tēnei i tōna kaha ki te whakatau take. Nāna anō te ao i hiahariatia i waihangā, ā, ka hua mai i āna mahi ko ngā kōwhiringa maha me te mana motuhake mō te tangata.

E tino ūrite ana ēnei āhuatanga ki te tikanga o te ahumoni herekore. Ahakoa he maha ngā ara rerekē kia eke ki te ahumoni herekore ka nui ake ngā kōwhiringa i te ahumoni mana motuhake, ā, ka māmā ake tō āhei ki te whakarite i te oranga e hiahariatia ana, kia pai ake ai tō toiora otirā te toiora o tō whānau, tae atu ki ngā uri whakaheke. Nā reira, hei tūāpapa i tō mārama ki te raukahā ahumoni, kia noho ahumoni herekore, ahumoni mana Motuhake koutou ko tō whānau.





## He ngohe whakawhanake: tātauria pakirehua



He aha ō mōhiotanga mō te hoko whare, mō te hanga whare rānei? Whakaaturia tō ako i mua, i muri hoki, whakaotīia tēnei tātaurira pakirehua.

### He pakirehua whaiaro: Ōku māramatanga o te wā

#### He aha tāku e mōhio ana mō te whai whare?

I mua

I muri

--	--



# Kaupapa 1

## Tōku tūrangawaewae, papakāinga me ētahi atu momo tuohunga

Tērā te whakataukī, “Ko te whare e hanga te tangata, ko te tangata e hangaia e te whare”, (TPK, 2017) e whakatairanga ana i te whakaaro ka whakamarohi ake tētahi whare i te toiora o te tangata, otirā o te whānau. Ko te whare tērā ka noho hei whakaarotanga matua i te ao kikokiko nei, ā, e Kore te kōingo o te tangata ki te wāhi noho mōna e rerekē.

I Aotearoa, i tēnei ao hurihuri, ko te utu ki te rēti, ki te hoko, ki te hanga whare rānei tētahi āhuatanga taumaha, ā, mō ētahi he tawhiti rawa tnei āheinga. Heoi anō pēnā i a Māui te haututū, Māui te auaha he tokomaha ngā whānau huri noa i te motu kua kite i ētahi atu ara e whai whare ai rātou. Ka whakamahia ngā rauemi kei a rātou ki te rēti, ki te hoko, ki te hanga rānei.



Mō ētahi whānau, he mea hoko te whenua (take taumaha), he mea tuku iho tō rātou whenua (take tupuna), he mea koha rānei te whenua (take tuku). Kātahi nā ka hanga rānei, ka kawe whare atu rānei, ka whakatū papakāinga rānei.

He kāinga, he whenua Māori pāpori, he whare taketake rānei te tikanga o te kupu ‘papakāinga’. Ka tukuna ihotia ana rānei te whenua

(take whenua), ka kohangia rānei (take tuku). Kei te tangata rānei, whānau rānei te mana ki te manaaki, ki te whakamahi i te whenua. I te mea he take ahumoni nui te hoko whare, kua rahi ake ngā whānau, ngā hapū, ngā iwi e ahu atu ana ki te noho toiora me te kimi hīraurau hanga whare hei kōwhiringa utu iti. Pēnā i te hanga whare uku i ō rātou whenua, te hoko rānei i ngā whare pakupaku me ngā whare kura.



## Ngohe 1: Te tūtohi peā

**Pakirehua:** Whakaarohia tētahi tangata i tō whānau, i ō hapori rānei i hoko whare, i whakatū papakāinga rānei. Inoi atu ki a ia kia kōrero mai tana kōrero whai whare. Tuhia, hopukina rānei ā rātou kōrero.

**Ngā pātai matua hei wānanga/whakaaro:**

- I pēhea tā rātou whiwhi whare?
- Me penapena rātou i tētahi wāhanga o te pūtea? I pēhea tēnā?
- I tono pūtea rātou i te whare pupuri pūtea? He aha te tukanga i whāia?
- I whai tautoko i ētahi atu?
- Mehemea i hangaia tō rātou whare, he mea hoko, tuku, koha rānei te whenua? He aha ngā ture a te kaunihera?
- He aha ā rātou kupu āwhina, kupu tohutohu ki te tangata e hiahia ana ki te whai whare mōna?

Mutu ana te kohi i ā rātou kōrero, āta whakaarohia ngā pātai e whai nei, ka tuhi ai ō whakaaro huritao ki te wāhanga Huritao o te tātauira o tō pakirehua.

- He aha tāu i kite ai? Ka pēhea tēnei kōrero e āwhina i a au āpōpō mai?

Tuhia ināianei ō whakaaro huritao ki te wāhanga ‘**i muri**’ o te tātauira o tō pakirehua. Tuhia ngā whakaaro matua o tāu i tūhura ai, ā, me whakamutu ki tētahi kōrero mō te whaiwāhitanga o tēnei pakirehua ki tō hoko whare ā tōna wā?


Pēnei i ēnei;

- I āwhina te pakirehua i a au ki te āta whakaaro i ngā kōwhiringa whare utu iti,
- I akiaki te pakirehua i ahau kia tukuna ūku whakaaro o anamata,
- I te pakirehua nei i whānui ake ūku whakaaro ki te hirahira o te penapena pūtea mō tētahi wā roa me ngā momo hōtaka piriahi pēnā i te Kiwisaver.

## He ngohe hei whakawhānui anō:

- Hangaia mai tētahi whare iti rawa ki tētahi pouaka hū, hangaia hoki ngā taputapu o te whare kia uru tika atu.
- Hei mahi takitahi, ā-rōpū rānei, hangaia tētahi whakaaturanga o tāu pakirehua. Kia maumahara, me whakaae te hunga i pātaitaihia e koe ki te tuari i ō rātou kōrero whaiaro. Kauhau atu ki tō akomanga. Mutu ana ia kauhau, mā te hunga whakarongo e whakaoti i te **Tūtohi PEĀ**.
- Matapakiha ā-rōpū, i pēhea te pakirehua i whakamarohi ake i ō rātou whakaaro, ā, i āwhina hoki i ō rātou waiaro, ā rātou whāinga e pā ana ki tā rātou āhei ki te whiwhi whare o anamata.





## Taku pakirehua: aku mōhiohio whakarite

Ko ngā mōhiohio whakarite o ia kaiuru i whiriwhiria kia uiuia:

Hei tauira ko tēnei: I hangaia e taku whaea a Hera rāua taku matua a Tom tō rāua ake whare i te tau 2010, i runga i te whenua i tukuna ihotia e tō Hera koroua.



### Ngā pātai hei arataki

1. I pēhea tō whiwhi ki tō whare?
2. I penapena koe i tētahi wāhangā o te utu? I pēhea tō pēnā?
3. I tono pūtea koe i te whare pupuri pūtea? He aha te tukanga i whāia?
4. I whai tautoko i ētahi atu?
5. Mehemea i hangaia i hoko rānei i tō whare, he mea hoko, mea tuku, mea koha rānei te whenua? He aha ngā ētahi o ngā herenga a te kaunihera?
6. He aha ētahi kupu āwhina, kupu tohutohu hoki ki te tangata e hiahia ana ki te whai whare mōna āpōpō?





## Taku pakirehua: ōku whakaaro huritao



I āwhina taku pakirehua i a au ki te whiwhi whare otirā kia rite pai ahau mō anamata?

Te tūtohi peā		
Pai	Ehara / Kāore (Minus)	Āhuareka / Aua / Ngākaurua (Interesting)

## Kaupapa 2


# Ngā manako, ngā matea me ngā wawata

He matakite a Māui. He wawata ūna, ā, i tutuki i a ia ētahi whāinga kīhai te tangata i whakapono, kia pai ake te noho, kia tōnui ake te mahi mō te tangata. E noho ki te whakaaro i ngā āhuatanga e hiahiatia ana hei āpōpō. Ko whea koe hei te 10 tau e tū nei? He aha te āhua o tō ao hei te paunga o te 20 tau?

Hei whakaohooho, hei whakarite i tō ara kia tutuki ū wawata, ū whāinga mō tō oranga, ko te whakatakoto moemoeā. Ka āwhina ki te whakaahua mai i ū pūmanawa, i ū pūkenga, i tō pitomata. Mā te moemoeā e āwhina ki te whakakipakipa i a koe kia ekengia ū whāinga.


Kei te whakatauākī, ‘Me ka moemoeā au, ko au anake; me ka moemoeā tātou, ka taea e tātou’. Hei tā Te Puea Hērangi kia maumahara tātou ki te hirahira o te moemoeā tahi kia hua te katoa, kaua te takitahi.

Tērā tētahi taputapu hei āwhina i a koe ki te whakaahua mai i ū whāinga, i ū manako, ā, ko te papa moemoeā tēnā. He pai ki te hinengaro ngā ataata heiwhakaatu i ū whāinga kia hihiko te ngākau, ā, ka āwhina kia ū koe ki ū whāinga ā tutuki noa.





## Ngohe 2: Hangaiā tētahi papa moemoeā



Hei mahi: Hangaiā tētahi papa moemoeā

Dream like Tāwhiao  
Lead like Whina  
Fight like Eva  
Think like Moana J  
Write like Ranginui  
Build like Kawiti  
Speak like Apirana  
Educate like Katarina  
Believe like Te Whiti  
Challenge like Te Puea

Hei kōkiri i tō waihanga i tō papa moemoeā, tēnā rapua ētahi whakaahua hei whakaatu, hei tohu i ngā wheako, i ngā kare-ā-roto me ngā taonga e hiahiatia ana i tō ao ka mau ki tō papa. Whakamahia ngā whakaahua, ngā pikitia i ngā mōheni rānei, i te paetukutuku rānei. Kei te kapa o ū ringa te āhua o tō ao Whakamahia ū whakaawetanga. Whakaarohia te whakaurunga o tētahi whakaahua o tētahi wā i harikoa koe. He tauira:

Hei āpiti atu, whiriwhirihia he kupu, he kī horipū, he kī hihiko, he whakaaro hoki ka whakakipakipa i a koe. Whakamahia ngā kupu, ngā whakaahua me ngā tohu hei hiki i tō ngākau me tō wairua. He kupu pēnei i te aroha me te whānau, he whakataukī rānei pēnei i te “Mahia te mahi, hei painga mō te iwi”. Ko tā te papa moemoeā he whakaatu i ū whāinga me ngā wawata mō ngā mea katoa.

Tēnā pea ko te whare tapawhā hei tūāpapa mō tō papa moemoeā arā, tērā e whakatairanga ana i te taha wairua, te taha hinengaro, te taha tinana me te taha whānau. He ahakoa tāu me nahanaha, me rangatira te āhua o ngā mea ka whakairihia ki tō papa moemoeā, ā, me pēnā hoki te hanga o tō papa moemoeā kei tīwekaweka, kei rangirua.

Nō reira, kia iti te kupu, kia iti hoki ngā atahanga, ā, kia hāngai ki tō kaupapa, ki ō whāinga mō āpōpō. He kupu hei whakahihiko i te ngākau e tau pai ai ū kare-ā-roto. Inā te nui o ngā whakaahua me ngā kupu ka uaua ki te karu, ā, ka kōtiti ngā whakaaro o te tangata. Kia tau te āhua, kia ngāwari.

He ao toritori tō tātou ao, he ngāwari kia kōtiti i ū whāinga, i ū wawata ahumoni. Nā, kia mutu ana tō papa moemoeā te waihanga, whakairihia ki tētahi wāhi ka ngāwari tō kite i ia rā, i ia rā, kia auau tō moemoeā. Ka pēhea te pātū i tō moenga?

Kia kaha te hokihoki atu, kia pono, kia titia hoki ū whāinga ki te ngākau ka moe ana koe i te pō, ka oho ana koe i te ata. He kaiwhakaoohooho tino pai te papa moemoeā!

#### **He ngohe hei whakawhānui ake:**

- Tuaritia tō papa moemoeā ki tētahi atu o tō akomanga. Kia pēnā i tā Te Puea whakataukī, he pai ake kia moemoeā tahi te tangata kia whai hua te katoa.
- Tirohia tō papa moemoeā, ā, ka whakatauhia he aha rā ū matea me ū hiahia?



# Kaupapa 3

## Kia auaha te whakamahi rauemi

He tino auaha a Māui. Nōna e taki karakia ana ka whakamahi rauemi, pēnei i te harakeke ki te whiri taura hei hopu i te rā, hei whakapūhoi i tana haere. Ki te auaha, ki te hīraurau hōpanga, ki te auaha te whakamahi i ngā momo rauemi pēnei i a Māui, he tūpono ka hua mai ētahi kōwhiringa māu. Arā te whakataukī ‘E Kore au e ngaro, he kākano i ruia mai i Rangiātea’. Ko te whakaaro nui ka tipu te kākano, ka whanake, ka rahi ake, ā, ka tohu hoki tēnei i te tōnui me te angitu.

I te roanga o te oranga o te tangata me whakaaro nui ki te āhua o te noho ora i te ao. Āta whakaarohia ngā kōwhiringa whai pūtea kātahi ka whai hua tō whakatinana.

### E whā ngā momo tangata whai pūtea. Ko:

- te hunga mahi
- te hunga mahi ā-kiritanga
- te hunga whai pakihī
- te kaiwhakarato pūtea.

Ko te nuinga o tātou hei kaimahi. He nui tonu ngā painga o te mahi mō te tangata/pakihī, heoi anō he nui tonu ngā here e kore ai te tangata e whāwhā ki ētahi atu ara ka whai pūtea rerekē, pūtea rahi tonu. He tino kōwhiringa te mahi ā-kiritanga, te whai pakihī, te whakarato pūtea hei huarahi kia maha te pūtea mō āpōpō.



## Ngohe 2

Pānuihia te mātaitanga e whai ake nei. He ngohe kei te mutunga hei āwhina i a koe i te ara whai pakihī ake.

### Taonga nā Twilight

Anei a Twilight e hoko taonga atu ana i tōna ake toa hokohoko, i te Mākete InnoNative, 2017.

Mārama ake nei a Twilight Edwards ki te whakaaro auaha, te whakamahi i ngā whakaawenga o te taiao me ūna rawa. Whakapakeke mai ana a Twilight rātou ko tōnā pāpā, tōna māmā, tōna tungāne me tōna teina ki te moutere o Motuarohia te motu i tū tōna pāpā hei kaitiaki i ngā tau 10 tau kua hora.

Tīmata ai a Twilight ki te hanga i āna ake taonga (whakarākei), i tana ake ‘waitohu’ me tana kāri pakihī i a ia e 8 tau ana. Kua noho ia hei rangatira i tāna ake pakihī nō tana eke ki te 11 tau. Ko InnoNative te rōpū whakahaere e whakatairanga ana i ngā pakihī Māori, me te toa a ‘Tukau’ e hokona ana i āna taonga.





E mea ana a Kara, te māmā o Twilight, ‘*Mai anō tōna auahatanga. I a Twilight e taitamariki ana he hangahanga tana mahi. He hinengaro rakahinonga tōna. Engari anō mō māua ko Hongi, heoi anō ka tautoko atu. I āta whakaritea e māua he taiao auaha i tō mātou whare. I ngā wā katoa ka kitea mai he tūmahī toi, me taku whakaae kia whakamahia e rātou [e āna tamariki] ngā rauemi, ngā rawa o te taiao, i a Hongi e poipoi ana i tō rātou hononga ki te whenua*’.

I kuraina a Twilight ki ngā kura maha o te Taitokerau, ā, kua eke ki te 13 tau. Kua hūnuku tōna whānau ki Waimanalo, i Hawai’i, ā, nō reira tōna koroua.

### **Nō hea te whakaaro hihi kia tīmatahia tō pakihī ake?**

Nōku i te kura i te Tau 4, i te kura o Ngunguru, ka tū tētahi hokohoko toi, ā, ka hangaia e au tētahi kete me ētahi kōmore koura e toru hei tautoko. I a au e takatū ana mō te hokohoko nei ka whakaaro ki te waihanga kāri pakihī, ka puta mai te ingoa ko ‘Taonga nā Twilight’, ā, ka whakatūria taku pakihī ake.

### **Nā wai koe i āwhina?**

Nā taku māmā otirā taku whānau ahau i āwhina. Nā taku matua te hanga o taku tohu i āwhina mai. Nā taku whaea ngā tapanga mō ia taonga i āwhina te tuhi. I tētahi wā ko te whare i nohohei wāhi mahi i ngā taonga whakarākei me ūna tāngata hei kaiāwhina. Hei āpiti ki tōku whānau, i tautokona ahau e te hapori inarā ko te whānau o Te Kāpehu Whetū i kaha te tautoko mai i taku pakihī.

### **Nō hea hoki āu hoahoatanga?**

Ka hoki ngā kōrero mō aku whakakai taringa kawakawa ki taku akomanga

konganuku marihi. Ka mea mai te kaiako me tīmata ki ūna hangarewa kōaro, pērā ki te pūrerehua, te manawa me ētahi atu mea kāore i rata ki a au, nā reira kāore au i whakaae. Ka puta au ki waho ki te rapu i ngā rau kawakawa pakupaku, ā, ka kitea. I ākona e au te āhua ā-mahi i taku hononga ki te rau.

Ka pau ētahi marama ka oti tika i a au ngā whakakai tuatahi ki te āhua i hiahia, arā, ki tāku i rata ai. He nui ngā momo kua oti i a au. Ka whakamahia te kōata moana,



Ko te pirimia a Jacinda Ardern e mau ana i ngā whakakai taringa nā Twilight.

ngā kōhatu, te harakeke, te aha noa atu. He tini ngā taonga ka riwha i a au, ka riro i a māmā hei whakakai māna, ā, kāore mō te hoko atu. Kāore au i te tino mōhio nō hea rawa ngā whakaaro. He rerekē ia taonga. I ētahi wā ka tono mai te tangata kia hangaia mai tētahi mea, ā, ka toko ake tētahi whakaaro ki te āhua o tētahi taonga anō.

### **He wā i whakaaro kia tukuna tēnei kaupapa kia mate noa?**

Āe

#### **He aha ai?**

Nā te mea i ētahi wā ka hongehongeā te hokihoki ki te mahi kōtahi. Ko te mea pai ki a au, ko te rāwekeweke i ngā āhua ā-mahi hou me ngā rawatoi hou. Ko te nuinga o aku hanganga kāore e tutuki, heoi anō he rawe katoa ki a au te waihanga me te whakamātautau. He uua rawa te kawe i ngā mahi o te kura, o ngā hākinakina, o te whānau, me te whakariwha i ngā tono whakarākei. Ka tohutohu mai ūku mātua ki te mahi i ngā mahi hāpai i te whare ahakoa te nui o ngā tono. Kei te mārama pai te nuinga o aku kaitono, ā, ka manawanui rātau. I pēnā i te wā o taku whakaaturanga pūtaiao me aku whakamātautau.



#### **He aha rā ngā tūāhua e akiaki ana i a koe kia ū tonu?**

Ka whai tono ana, ā, kua utua e te tangata, me kaua au e mate wheke. Me oti i a au, me tae atu ngā taonga ki a rātou. Ka āwhina mai taku whānau kia ū tonu au ina pau ana taku hau. Ka āwhina mai taku tungāne, taku teina me ūku mātua. Ko ngā nohinohi ka āwhina ki te whakamāene i ngā taonga i a rāua e mātaki pouaka whakaata ana. Mā taku māmā ngā tono me ngā īmera. Ki te nui te mahi, mā taku pāpā te konganuku e tapahi.

#### **Ko whea koe hei te 10 tau e tū nei?**

Ki ūku whakaaro he pakihī rerekē tāku. Kāore au i te tino mōhio he aha rā tērā engari he kaupapa auaha. He kaupapa e rērere haere ai ahau ki te ao.

#### **He aha ū moemoeā mō tō pakihī hei ngā tau e tū mai nei?**

I a mātou i Hawai'i i te tau nei ko te tumanako ka hihihi anō te ngākau ki ngā whakaaro hou. He ako i ētahi māhi ā-āhua hou. E tino hiahia ana ki te whanake ki te ao hoahoa kākahu, ki te hanga kākahu, hanga pēke, hanga hū me ngā

mea whakarawe whare. I tēnei tau kei te hiahia au ki te whakarite i te paetukutuku mō ‘Taonga nā Twilight’. Me tika hoki aku tukanga tono. Ka hangaia e au ia taonga, ā, he roa rawa. He uaua hoki kia tutuki i ngā tono maha. Me kimi ara e tere ake ai te hanga. Kāore i ārikarika ia hanganga, he taonga nā te aroha.


### **He aha rā ō moemoeā ahumoni ake, ō whāinga, ō wawata mō āpōpō?**

Ka ārikarika katoa ahau ina e hokona ana aku taonga huri noa i te ao. Pai ki a au te whiwhi pūtea, engari ko te mea e tino kaingākaunui ana, ko aku mahi toi. He rawe ki a au ka koa te tangata i aku hanganga, ā ka pā ki ō rātou ngākau, ki ō rātou tuakiri tonu.

### **He aha ētahi kupu āwhina ki te hunga e whakaaro ana ki te whakatū i ā rātou pakihi ake?**


Kei mate wheke noa, kia ū i ngā wā uaua. I kuhu atu ahau ki te hōtaka Hine Boss, ā, he tino rawe. I āwhina i a au ki te whakarite i taku mahere pakihi, i ako ki te tiaki i aku pūtea, ā, he nui ngā kupu āwhina o te katoa i roto i te akoranga. I āwhinatia ahau ki te whakarite tika i ngā utu, ā, nā whaea Moana ahau i āwhina ki te whakarite i taku tukanga tono. He nui tonu ngā rawa e wātea mai ana ki a tātou i Aotearoa me tō tātou waimarie hoki. Ki te hanga i tētahi mea e rata ana ki te iwi, ka pā ki ō rātou ngākau, ā, ka tautoko atu, ka hoko i ngā taonga. Ka nui taku whakawhetai ki ngā tangata maha i āwhina mai, i whakaako mai, ā, e tautoko tonu ana mai.

Ka whakatairanga a Twilight i tana pakihi a ‘Taonga nā Twilight’ i tana whārangī pukamata nāna i whakarite, ā, e tō mai ana i te hunga hokohoko. I tētahi marama kotahi, atu i te Whiringa-ā-rangi tae atu ki te Hakihea 2018, i eke ngā te wāriu o ngā hokonga ki te \$10,000 neke atu. “i pokea katoatia i taua wā heoi anō kua māmā ake i nāianei, me te pai hoki!!”





## Ngohe 3



Kua mutu tō pānui i te mātaitanga nei. Tēnā whakaaro hia ngā pātai e whai ake nei



**1.** Kua whakaaro rānei koe ki te kōkiri i tō pakihī ake?

**2.** Mēnā koe te whakatū i tō pakihī ake, he aha rā te momo pakihī?

### Hei mahi:

Tēnā tuhia, hopukia rānei i te 10 meneti te nui o ngā whakaaro e pā ana ki ngā tū pakihī ka taea.



### He pātai hei whakaaroaro:

He aha ngā kaupapa e kaingākaunuitia ana, e rata ana rānei ki a koe?

He aha ū pūkenga, ū mātauranga? He aha hei ako māu?

Ka whakaaro rānei koe ki te waihanga taputapu hei hoki, ki te whakatū ratonga rānei mā tāngata kē?

